

中国公共图书馆古籍文献珍本汇刊·史部

明抄本万历起居注



中国公共图书馆古籍文献珍本汇刊·史部

明抄本万历起居注（九）

全国图书馆文献缩微复制中心

明抄本万历起居注目录（九）

| | | |
|---------|-------|-----|
| 万历二十五年 | | 一 |
| 万历二十六年上 | | 三八九 |
| 万历二十六年下 | | 五八五 |

二十五年正月壬辰



趙志臯張位沈一貫

題恭遇

元旦令節

慶賀奉

旨傳免

二十一日壬子大季士趙志臯張位沈一貫

題為缺官教書事照得

內府司禮監書堂例用翰林院官六員教書原題

各官俱有別項差用相應題補臣等推得編修

顧天峻劉孔當檢討劉生中李騰芳堪以前去

教書未敢擅便謹題請

旨奉

旨是

二十二日癸丑大孝士沈一貫

奏為乞

恩給假治喪并冒昧循例請

卹事本年正月初三日臣妻張氏不幸在寓病故竊
念張氏係臣結髮妻室備歷糟糠相聚多年迺
今淪沒臣心不勝悲痛所有後事須臣料理臣
于此時即欲具

奏請假緣元旦元宵令節本係

恩賜假期不敢再瀆于

至尊之前權宜在寓未遑進閣辦事茲亦不敢隱諱
但今舍歛雖畢尚欲發付臣子輿襯還鄉瑣屑
多端有宜擘畫懇乞

皇上俯諒臣不得已之情

特准寬假以便發喪臣不勝哀感臣再思臣妻魯蒙
聖恩封為孺人安人淑人舊年進封夫人閨閣瑣流

四叨

綸命而臣佐理無狀尸素多慙宜俟禡呵敢更陳乞

但

恩卹有條載在

會典如前輔臣余有丁今輔臣張位皆因妻亡喪

歸蒙

賜祭塋

朝廷彝章閣臣故事臣不敢廢不特私衷之難割

已也第假

命之榮以畢纍裡之掩為樵採之防臣夫婦之倫

無復遺憾况數千里回籍涉歷江湖非得人丸

船隻不可以行儻蒙

天慈垂憫

勅下祿部查照前例恭候

聖裁此又臣無已之祈不敢固請者也臣不勝戰慄

哀籲之至奉

旨卿妻亡逝朕心憫惻准暫給假治喪特賜齋糧三

十石麻布五十疋以示優眷照例與祭差官造

墓還加祭一壇仍給夫船應付回籍祿部知道

二十三日甲寅大孝士沈一貫

奏為感激

殊恩恭陳謝悃事臣頃因妻故乞假治喪并請

卹典奉

聖旨卿妻亡逝朕心憫惻准暫給假治喪特賜齋糧三十石麻布五十疋以示優眷照例與祭差官造塋還加祭一壇仍給夫舡應付回籍該部知道欽此隨蒙

欽遣文書官盧受齋到銀五十兩紵絲四表裏新鈔一萬貫齋糧三十石麻布五十疋臣謹於私寓焚香叩頭祇頌訖切念臣仰受

隆施未申寸報適遘亡妻之戚因祈暫告之恩何幸

天心俯從人願
許輟

絲綸之直俾伸哀經之情復厘憫惻于
宸衷申錫駢闐于望外精粲分珍于

禁凜縷麻出篚于

尚方重楮精鏤寶氣蔚其揚采長緼紉裏天機燦若

呈章

馳中使以傳宣即私居而膺慰更

渎故典超霈

殊恩芬芳已鬯于君蒿藪益加邁之

賜封樹既仁乎枯朽尤勤
命使之行且憐歸路之遙

特給傳符而去竊念臣妻以裙布荆釵之賤糟糠井

白之餘生累拜乎

榮封溢踰已甚沒侈叨乎

異數銜結何當信

聖主之軫念臣私同慈親之過憐愛子居災猶福被
寵為驚感激難名涕淚俱下僮未盡之年稍賒于同
穴則匪躬之志擔竭于糜埃臣無任仰荷感戴
之至除見

朝時另行

廷謝外為此謹具本恭陳謝悃以

聞奉

旨覽卿奏謝朕知道了禮部知道

二十四日乙卯大孝士趙志臯等

奏為敬陳政體緊關要務乞

賜

乾斷以光

聖治事前者吏部尚書負缺已經奉

旨再推近日侍郎孫維臯被論已經屢稟恭

進臣等又具揭屢

請未蒙

批發竊惟人之可用可舍當去當留

簡在

聖心總俟

獨斷臣等即不敢妄預惟是官不可缺乃政體所關
治忽攸判此羣望之所最迫切者臣等何敢不

言蓋

朝廷之所特以分理四方共襄庶政者全在內外
大小官員各得其職而內外大小官員所以銓

叙得宜黜陟有次者全在吏部有官以為之統
轄也天下無官

朝廷雖有法度不能自行于下矣吏部無官天下
雖有人才能獨用于時矣故用人天下第一
緊要事吏部天下第一緊要官也若吏部官有
徇私受賄不公不法與夫放肆怠惰不勝其任
者進退之權握于

朝廷何難于黜其不肖者而用其賢者苟因其人
之不稱遂謂官之可虛誠所謂因噎而廢食非
治天下之道矣今吏部掌印無官四司諸務停

閣昨冬十二月大選遂致罷廢不行此

祖宗二百年來未有之事也臣等連日見候選諸人
進士舉人監生吏員人等數百人紛紛咨嗟號
訴具言官有大小皆替

朝廷出力而某等因守出身或至數十年始望一
官廢棄不收情極可憫又有內外官負待補
闕下者其人之多不下六七十其時之久或至一二
年此亦

祖宗二百年來未有之事也每來見臣叩問
明旨何日當下緣京師窮民僕賃費用不貲去留難

難進退維谷又責臣等特不肯轉聞于

上耳僅聞于

上

明主至明至聖豈不為某等一動容體恤乎至于內

外行取官負積俸年深而未得

俞命致令舊者不陞新者無缺咸賄以缺望之甚此

亦

祖宗二百年來未有之事也况臺省差遣十分缺人

狐鼠豺狼置而不問神奸弄法大盜殺人

朝廷憲法益從此大弛廢矣是不當一留

聖念乎各處司道郡縣官負懸缺未補者甚多此又祖宗二百年來未有之事也錢糧詞訟莫適主管代署者苟簡推諉護印者閉門高卧以致吏胥虎噬百姓魚爛是不當一啣

聖念乎凡此數者總因吏部無官故事事停廢以至此極臣等今不憚煩冒昧以

請非為吏部一衙門惜實為

朝廷政體惜也惟聖

聖明俯採芻蕘速賜裁決天下幸甚昔臯陶陳謨於帝舜曰元首明哉股肱良哉庶事康哉言君能